

玉

笥

集





玉 筍 集

張 憲 撰

編主五雲王

編初成集書叢

集 笥 玉

中華民國二十四年十二月初版

撰 者 張 憲

發 行 人 王 雲 五  
上海河南路

印 刷 所 商 務 印 書 館  
上海河南路

發 行 所 商 務 印 書 館  
上海及各埠

盛

# 原序

予嘗於岳武穆王精忠錄。閱先輩張思廉所作詩歌。其辭氣抑揚感激。所以爲王自處。而表其忠烈者。曲盡無遺。意其爲人。必慷慨瓌特。以忠義自許。非可以一詩人目之也。惜未觀其全集。以究其蘊。迺者常山丞前侍御黃君玉輝。發其尊府僉憲嘿菴先生所藏思廉玉笥集一帙。將繡梓以傳。託同年僉憲高公汝賢屬予序。因得遍閱之。其詠史。非徒詳其事實。且寓褒貶鑑戒之意。其琴操樂府五言。及近體諸作。通暢俊爽。森嚴壯麗。如入羣玉之府。琳琅琕瑤。粲然照目。如閱武庫之兵。戈矛戈戟。雜然陳列。誠非苟作者。於是益重其人焉。蓋思廉當元季擾攘之秋。嘗仕爲帥府參謀。與僚案議。不吝罷去。志不獲伸。才不克售。傷時感物。而洩其悲憤於詩者如是。使其生當熙皞之世。所以咏歌泰平之化。當何如哉。嗟乎。聖人刪詩三百篇。其美。其刺。存乎勸戒。下至楚騷。比物興言。雖過乎怨。其感人亦至矣。漢魏而唐。作者不一。獨杜子美之詩。謂之詩史。以其忠君愛國之誠懇也。思廉其殆欲追逐古作者與。考其所交。若鐵崖楊君。伯雨張君輩。皆一時能言之士。其所得。固有自哉。夫詩運於精神心術之微。勤一世以盡心。而不得以詩鳴者。多矣。間有鳴者。不幸不見收錄於賢人君子。往往湮沒無聞者。何可勝數。獨思廉之詩。晦於前而顯於今。吾又幸其有遭乎。僉憲先生。昔以邃學宿德。提學於吾江右。造就士類甚衆。玉輝能世其業。立朝佐邑。皆有聲。

茲又承其先志。不沒人善。以嘉惠後學。可謂濟美者矣。故爲序之不辭。思廉名憲。會稽山陰人。其居有玉筍山。自號玉筍山人。因以名其集云。成化五年春三月。旣望。賜進士出身。中憲大夫。浙江等處提刑按察司副使。奉勅提督學校。安成劉鈺序。

# 玉笥集卷一

元 張憲 撰

詠史

黃金臺

黃金臺高且堅。三十六層凌紫煙。上不貯妓女。下不列管絃。鳳簫鸞曲匪求偶。銅盤露掌非希仙。高城不築太師塢。黃屋肯飾吳王椽。但欲強兵富國來英賢。上雪父母仇。下洗黎庶冤。黃金萬斤光燭天。曰鄒曰劇相後先。樂生往兮重燕權。燕鼎復兮齊鼎遷。變雌冀兮爲雄燕。嗚呼。火牛觸。燕師衄。樂生去兮燕土蹙。黃金臺荒狐兔伏。昭王地下精靈哭。

屠隱行

聶屠隱。軹井里。朱屠隱。大梁市。軹井匕首尺有咫。白日殺人報知己。梁市金椎四十斤。拔趙功成耀青史。兩屠義勇勇不同。金椎匕首分雌雄。丈夫一死泰山重。匕首胡爲成小用。丈夫一死鴻毛輕。聶屠之死。不若朱屠生。

荆卿歎

白虹貫赤日。易水生淒風。燕人盡悲憤。相送冀城中。筑聲何慘慄。歌意哀無窮。豈不念卽往。立摧嬴政胸。徘徊有所待。匪畏秦帝雄。自恨劍術疎。未易了君事。秣馬膏吾車。我客久不至。奈何遽相促。苦未知人意。丈夫重然諾。斷臂死不辭。但憐樊將軍。九泉終見疑。咄彼死灰兒。曷足同等夷。

安期生

吾聞安期生。賣藥阜亭東。時人不識其始末。見者但呼千歲翁。嗟嗟秦皇帝。仗劍掃六合。富貴亦已極。猶欲事吐納。琅琊臺上三月留。三晝三夜語不休。黃金白璧賜千萬。阜亭棄置無人收。空留赤玉鳥。報以後會期。蓬萊渺茫不知處。童男卯女無歸時。鮑魚風腥不忍嗅。金棺玉匣萬古埋。僵屍悲無窮。可奈何。豈如安期者。海上騎青驃。黃金化丹砂。赤棗大如瓜。遨遊宇宙間。天地以爲家。

勝廣

秦帝掃關東。六王家業空。典墳俱燬滅。兵器盡銷鎔。勝廣起田畝。一呼天下同。雖然不成事。亦足號英雄。

秦鹿行

望夷宮中養秦鹿。百二山河春草綠。穿花尙作呦呦鳴。寧識外人須爾肉。李斯父子牽黃犬。上蔡東門志何淺。血污雲陽腰領紅。狡兔縱肥能幾鬪。閣高貌輒心跡露。稱馬獻君君不悟。羣臣相視莫敢非。只恐出言丞相怒。丞相怒。秦祚移。函谷不守秦鹿馳。高材疾足爭逐之。項王叱咤起。烏騅日千里。逐之不得不肯

止人疲馬困烏江死。沛公隱芒碭。手劍三尺長。網羅一舉圍咸陽。扼其角。刳其腸。食肉寢皮傳後王。秦鹿死。走狗烹。後人不用悲韓彭。帝王神器匪力爭。炎炎火德多洪福。前有高皇後文叔。回首平靈莽卓生。漢業亦同蕉下鹿。

滄海君

漸離筑中鉛作水。荆卿臂落圖窮匕。鮑魚風起鸞車腥。不待明年祖龍死。赤帝子。滄海君。劍三尺。椎百斤。千金胡爲輕報秦。英雄不進圯橋履。亦作秦皇刀下鬼。

鴻門會

雲成龍。氣成虎。椎鼓撞鐘宴真主。披帷壯士髮指冠。側盾當筵請公舞。白髮老臣心獨苦。玉玦三看君不語。五星東井夜聯珠。天狗樓檜落如雨。鴻溝咫尺接鴻門。千里神騅一夜奔。君不見龍泉影裏重瞳瞽。玉斗聲中五體分。

垓下歌

力拔山兮舉世稱雄。頤指諸侯兮孰與君王。一戰不遂兮胡爲自傷。江東雖小兮勝負何常。努力君王兮。亟渡江。賤妾請死兮先就劍芒。

淮陰侯



勇略震人主。奇功蓋天下。持此求令終。全身古來寡。淮陰將之傑。用智如炙輶。不忍衣食恩。甘爲轅下馬。重兵在掌握。茅土復求假。不悟齊巫言。終然三族赭。跳梁駒靈駕。覆鍾金躍冶。旣匪跋扈雄。大權宜蚤捨。忠逆無定見。身敗慘裂瓦。所以赤松遊。浮榮眞土苴。

旦春詞

子爲王。母爲囚。赭我衣。髡我頭。終日春兮不死不得休。東望邯鄲兮漳水流。使誰報汝兮終無由。憶君王兮解安劉。不能遠慮兮爲妾謀。彼四老兮君何求。

朱虛侯行酒歌

長樂宮中女天子。盛設賓筵懽戚里。百官侍坐莫敢違。諸呂喧闐笑聲起。御史中丞不糾儀。叔孫制作成虛禮。朱虛奉勅起行觴。手提三尺昆吾鋼。田歌聲振野雞伏。頸血光寒漢道昌。

悲吳王

悲吳王。悲吳王。後此五十年。亂起東南方。天下旣一家。骨肉毋自傷。胡爲鑄金幣。聚餼糧。招亡命。修甲兵。几杖不復朝。西京博局之恨竟不置。反相之語奚獨忘。悲吾王。白髮種種心何長。旣不能入武關。扼咸陽。又不能據武庫。食敖倉。淹纏梁楚眞自敗。縱死東越非天亡。君不見下密老人首生角。哀哉七王何不覺。

廣川王愁莫愁曲

愁莫愁死卽休。鉛灌口。刀灼眸。托灰煮屍劍擊頭。愁莫愁。永巷春深作繫囚。愁莫愁。老嫗哭。使者來。窮詔獄。徙上庸。伏顯戮。雪我無辜人十六。

賈卜翁

三月長安道。雨過街樹綠。下有賣卜翁。危坐營握粟。舉口講仁義。旋式推禍福。不學賈大夫。憂來方賦鵬。巫蠱使

襪擺步搖冠。曲裾紗縠衣。偉哉燕趙士。借問此爲誰。謁帝登大堂。利口興禍階。能令親父子。恩愛一朝乖。血濺長安城。屍橫泉鳩里。雖族佞臣家。不益儲君死。望思思不歸。至今天下悲。請聽三老議。兒罪只當笞。董君行

長安三月春如畫。賣珠兒騎公主馬。青年十九桃花顏。挾彈垂鞭花影下。蟬翼輕盈垂鬢旁。傅韞綠幘紅絲韁。黃金百斤壽上客。彩段千端貽後房。長門園作行宮立。董君貴寵傾堂邑。掖庭撥賜買筵錢。御駕親臨百官集。煮豹屠麟考鼓鐘。宰人蔽膝如花紅。東廂未下膳夫拜。南面先傳謁主翁。主翁極尊榮。上殿不呼名。北宮夜鬪狗。平樂晝調鷹。入侍帝姑寢。出從人主行。生同歡樂死同塋。君不見三斬罪名加弄子。陸戟先生幾欲死。

霍將軍

熒惑守心星。鷓鴣叫庭樹。車騎聲憑陵。夢寐來相捕。赫赫奕奕豪。君觸君王怒。孱子不早誅。悍妻尤可惡。禍萌在驂乘。惡貫起投附。茂陵休上書。徒薪非不悟。何事麒麟樓。猶圖博陸侯。

月支王頭杯歌

朔風凍合諾真水。東方寒日曠曠起。白馬初腥徑路刀。一尺留犁攪金匕。穹廬側坐呼韓邪。谷蠡撫掌賢王歌。割牲飲血定約束。酒器高擎天驕窩。頂平額深如白玉。月窟日庭糟透骨。刃痕截斷伏犀根。疑是晉陽列智伯。金蓮鑿落玻璃盃。銀稜闔葉車渠魁。葡萄未搗小馬潼。桃花先染真珠醅。老上單于遺手澤。誰問戎王包馬革。藁街不鏤郅支頭。將謂漢家輕首馘。陳湯血戰未封侯。張猛韓昌何足責。

上元夫人詞

七月七日夜。王母降漢宮。上元何夫人。儀衛略與同。頭作三角髻。年可二十餘。身著青霜袍。坐擁紫霞車。九雲夜光冠。六山火玉佩。斂袂登殿塔。進向王母拜。王母坐止之。呼與共良會。翩翩三青鳥。飛來綠窗歇。口銜七蟠桃。甘脆勝冰雪。劉郎非仙器。內慾未斷絕。懷核欲種之。開花待桃結。一桃九千年。徒爾糜歲月。上仙啞然笑。忽逐綵雲滅。

託孤行

河間有異女。其氣上成雲。望氣往求之。乃得拳夫人。夫人雙握固。見帝卽披伸。生子鉤弋宮。立名堯母門。

一朝忽被譴。割愛非無恩。子少母且壯。亂階人所聞。君王顧大計。牽去不容存。拓跋踵遺範。胡姬埋禍根。司馬受寄託。弱兒終被吞。乃知宣室晝。僅有霍將軍。

### 燕燕吟

燕燕在昭陽。昭陽勝未央。黃金塗地限。白玉護椒房。燕燕情無已。專寵恩無比。啄死漢皇孫。占斷張公子。  
名放。富平侯。哀哀許美人。戚戚曹宮使。綠綈方底赫。蹠書赫蹠。薄小紙也。天道好還須記取。

### 折檻行

師傅不言事。國柄歸五侯。賢哉槐里令。抗疏謁宸旒。願請上方劍。先斷佞臣頭。狂直不畏死。甘心地下遊。大呼攀殿檻。壯氣驚千秋。御史將雲去。將軍拜不休。君王意亦解。折檻不容修。表表直臣節。漢廷無與儔。

### 東門行

東都門外今古稀。東宮二傅同日歸。百官祖道設供帳。勅賜黃金作酒貲。歸來日日會親友。盡賣賜金買醇酒。白頭剛傅蕭望之也。空勞勞。一杯鳩羽不就獄。博得君王祠少牢。

### 董舍人

董賢帝寵之。

蓮箭銅壺催日晷。舍人走報天顏喜。日驂鸞駕共相憑。夜直龍牀同臥起。雙闕罽毼立冢塋。洞房重殿營軒楹。珠襦玉匣賜祕器。錦闌綈檻塗丹青。金翦落衣龍袖斷。黃腸剝柏御棺成。合門貴寵專天眷。內筵屢

上麒麟殿元舅徒爭城邑封。天子已師堯舜禪。古來喪邦由女色。籍閔韓鄧多男德。司馬何為位獨尊。曼  
 柔便辟能傾國。王莽白髮大師躬拜塵。孔光病免中郎堅避姻。中郎望之子蕭咸也。賢父恭。嬴屍未  
 入園扉裏漢業潛移王巨君。巨君王賀女。為元帝后

聖女謠

陰為陽雄天道否。元城郭東君莫語。繡衣御史活千人。王賀火土相乘生聖女。六百四十又五年。漢家大  
 業歸齊田。夢中誰報滿輪月。尤物禍人天使然。翁孺諸子多女德。丙殿目成意相得。畫堂良夜太孫生。兄  
 弟五人俱食邑。日月無光蕙霧昏。諫書終莫奪天恩。兵權國柄遞相襲。四世母儀培禍根。黃者龍鍾容色  
 槁。銅壁鬼符夸壽考。黑貂徒守舊家風。太后令官屬黑貂白玉已虧傳國寶。君不見持詔籌行藁。極析關踰  
 牆走不休。君如不信西王母。試看門樞亦白頭。

昆陽行

天囚行屍聚蜂螳。新市平林健兒起。白水真人應識文。春陵子弟持弓矢。切雲高冠爛錦袍。朱旗白馬青  
 龍刀。漢官威儀喜復見。下視赤眉銅馬紛騰逃。長驅宛鄧摧枯葉。夜火軍書連奏捷。八千驍果獨鏖鋒。誰  
 道將軍平日怯。司徒司空雙將兵。百里晴雷鞞鼓聲。長人壘尉不護壘。四十萬人同日崩。昆陽城濠水流  
 血。六十三家謀議拙。象犀瞑目虎豹蹲。疾雨狂風天降孽。司徒受首司空奔。長安四面兵雲屯。承明殿裏

自避火。敬法闕前誰斧門。君不見。啗鯁魚。讀兵書。漸臺勢促將何如。天符金櫃不復驗。哆口蹙頰終就誅。紺杓之衣虞舜匕。按圖旋席猶逃死。七珠斗柄不掩身。劉秀明年作天子。

井底蛙 公孫述

清水令井底蛙。鸞旗旄騎稱警蹕。垂旒佩玉登龍車。不知天下本一家。雌雄未決胡矜夸。井底蛙。井中小堂堂。東帝天日表。南廡岸幘彼何心。都布單衣笑君狡。君不見故人共臥嚴子陵。一夜客星侵帝星。何嘗解作木偶形。

強項令 晝宣

夏門亭東數公主。格殺蒼頭如殺螳。一言回天天亦喜。縱奴殺人何以理。擊頭流血臣所甘。俯首頓地臣所恥。賜錢三十萬。分須不私已。強項縣令今豈無。不遇明君空釜死。

跋扈 梁冀

乘氏忠侯骸未冷。癡兒遽起專宮省。使者彈章十五條。極惡猶遣進湯餅。夏門亭外迎鸞車。常侍私謀定蠹吾。冤刑誰復掾李杜。公議徒然唾趙胡。將軍權勢迷天日。天富淫人天益疾。白鵠書生獻佞詞。絳帳名儒纔掌筆。長史忠言若不聞。故吏諫書何足云。佩刀夜落議郎省。日食明誅言事臣。埤幘獄冠異巾服。彈碁挽滿俱精熟。兔園羽蓋鼓吹喧。喚起花奴陪踟躕。連房奧室相對街。飄飄雲氣如蓬萊。黃金白玉充藏

室門外車聲聒早雷。土山千里九折坂。臂鷹走馬歸來晚。誰盜千金十斛珠。坐使良民喪貲產。守藏婢。監宅奴。奴何幸。婢何辜。羽林奪劍不論罪。歲餘又贖張尚書。口吟舌剩積惡。豺目鳶肩不道誅。君不見墮馬髻。折腰步。愁眉一旦溼啼妝。蓋世榮華逐飛絮。七君三后六貴人。將校尹卿同日仆。家財三十萬萬充王府。爲謝皇家戚里賢。勿效將軍懷跋扈。

黨錮獄

漢桓帝延熹九年。殺成瑨等并黨人。

黃門貂璫。乃專殺生。內幹心膂。外典政刑。樹立饕餮。傾陷忠貞。牢修一紙。四海俱驚。使者四出。逮捕縱橫。囊頭五木。拷掠笞榜。詔獄懣酷。有冤誰聲。賢哉賈長。奮袂西行。網羅解張。大禍底寧。云胡諸公。旣哲且明。不晦其光。尚貪美名。卒蹈大戾。自殞厥生。乃有君子。龍蛇潛伏。匪惠匪夷。靡榮靡辱。不近軒冕。不罹極梏。茂樹鬱盤。爰托我屋。

誅宦官

漢靈帝建寧元年。太傅陳蕃等。奏誅宦者曹節等。不果。俱被害。

太白入房。天示傲上。相上公俱有眚。侍中已奏天官書。北寺獄詞猶上請。五官令史發奏章。姦謀夜召王與張。尚書詔版出脅筆。一十七闌心計長。白頭老翁短才術。拔劍突門肆呼叱。門生官屬務相隨。誰解盡言箴。八失於乎。太傅死。將軍誅。洛陽都亭集血顛。宗親賓黨一日屠。朝廷大柄歸闈奴。胡爲何國舅。中平元年

• 何進誅宦官張讓等  
• 又不果。被害。

不肯鑑前車。又向嘉德殿前伏屬鏤。誅宦官。良可乎。

千里草謠董卓

青青千里草。荒遍長安道。輻書竿摩車。金花蓋飛阜。天子任廢置。公卿聽呼召。生殺擅大權。劫弑甚羣盜。築塢高埽城。埋金動盈窖。司徒展祕謀。義子奉密詔。逆屍不待燃。臍炷自堪照。乃知董公力。驅除付姦操。

一 栖謠

獻帝興平二年。郭汜。李傕。劫帝入其營。

一 栖不兩雄。治兵日相攻。北營李。劫萬乘。南砦郭汜。質三公。祠鬼淫祠下。朝王葦箔中。上供牛骨臭。賜質馬。錢空。夜火焚行殿。妖氛貫紫宮。鳴錐驚輦轂。飛矢射簾櫳。天子猶徒步。何人敢騎從。顛危策東澗。狼狽走新豐。皇極災頻煽。朝廷塵再蒙。誰能爲此禍。宣義是元功。

大礪謠

公孫瓚以此謠從鎮易。積穀休兵。以待天下之事。後袁紹攻敗。自焚死。

燕南睡。趙北際。中不合。大如礪。惟此中。可避世。移易鎮。築易京。廣積穀。多屯兵。閱世變。待時平。大柱折。隊道裂。樓櫓傾。骸骨爇。白馬義。從不自亡。誰爲劉虞洗冤血。

梁父吟

武侯成就關張。勝晏子殺三士多矣。故反其詞。

伏龍隱南陽。高臥久未起。不肯渡長江。焉能涉漳水。炎炎火絕卯金刀。巍巍土王當塗高。種瓜兒子不力戰。織履郎君無地逃。伏龍一起捍坤軸。雄據西南成鼎足。十年汗血戰元黃。五出王師爭九六。萬人之敵兩熊虎。百戰辛勤事行伍。河南河北謾稱雄。不得袁曹一丸土。伏龍纔起帝業新。千古君臣魚水親。遂使



真龍全羽翼。風雲成就二將軍。

南飛鳥曹操

南飛鳥尾畢逋。白頭啞啞將衆雛。渭河西岸逐野馬。破黃巾也白門東樓追赤兔。擒呂布也冀豚冀荆犬劉肉不飽。

展翼南飛向江表。江東林木多俊禽。不許南枝三匝遶。老烏莫侮髻郎小。髻郎詎讓老烏老。東風一炬烏

尾焦。不使老烏矜觜爪。老烏自謂足姦狡。豈信江湖多鷺鳥。摔烏頭。啄烏腦。不容老烏棲樹枝。肯使蛟龍

戲池沼。赤壁之戰釋老烏。未肯搏紫髯大耳先相擢。河東老羽雲外落。雲長死老烏巢成哺銅雀。

合肥戰當陽坂·能以窮兵拒曹操·追遙津·不能以合師抗張遼·寧桂諸將·不及飛遠矣·賦合肥戰

合肥戰。戰甚力。盪寇將軍持銳戟。甘紫髯郎君馬飛空。孫權江表虎臣俱辟易。君不見瞋目橫矛決死敵。張飛

百萬曹兵莫敢逼。止啼之威未爲特。惜矣江東無益德。

縛虎行

白門樓下兵合圍。白門樓上伏虎威。戟尖不掉丈二尾。袍花已脫斑爛衣。摔虎腦。截虎爪。眼中視虎如貓

小。猛跳不越當塗高。血吻空腥千里草。養虎肉不飽。虎饑能噬人。縛虎繩不急。繩寬虎無親。座中叵信劉

將軍。先不縱猛虎食漢賊。反殺猛虎生賊臣。食原食卓何足嗔。

獵許行忠義